




Yéxa kelíhuxi koane ike'itukexi yikúna



kopénoti têrenoe



Enepone yukúna uhá koêti hò'uxoti kanà'uti kuku hoúnevoti kopénoti akoti malíka Brasileiros heóno' koeti ôvoku kalîhuti ovoku , enekókuti, úhepeko omixóneti ,koitúkekuti ákoti aunáti pôreu. xaeâti ra , koane ituko partina iyenoxapa kopénoti têrenoe , kó'oyene hanéyene yuixóvati aúkeke ho'unevoti

Símeakuke yúku omínôvi unátiyea vomíxone. Itea haína pó'hutine ápeyea yúku vo'vokuke ako ákoeneye, kónokoamaka véxea viko'itukexea motovâti ákoyea okoemayea víyeuke , koane akoyea ikoitúkehi vixá yúku , vo'oku poé'hane koperáxopovo ina noixoa uti.

Motovâti ákoyea akoeneye, hoûxovo koituketi aúkeke koáne epemo'ikexoti kopénoti têrenoe ukeâti hononó'iti une, ukeâti xoko kopénoti heréna , ko'óvokuti xeó'kuke piâti po'ínu. Enepone yuhôti ukeâti xapa yékoteno kopénoti koati hânaiti kixovokuti íyeuke kopénoti têrenoe ,koane êno koitoponeôvo kotíveti mekuke, híyeuke, vo'oku akoyea meku yúku mekúke.

Yoko tokópeokoko ikeno'oko payá'iyee koyú'hopeti vemó'uke, koyúhoyea kixóvoku viko'itukexea yukuna uti, motoâti akoyea évakapu yukuna ûti. Koane huvó'oxea kalívonona ihíkaxovokuti kopénoti ndeti reginaldo.

Itea teyéa koane exókea uke yúku kopénoti têrenoe, nóvokoxeovo koi'tuketi têrenoe, uhá'koeti hó'unevo kopénoti hononó'iti úne koyúhoti kixóvoku ikoitukexeovo yúku. Motovâti kou'koponeovo vemó'u xapa kopénoti têrenoe.



Úkeaku uké yúku

Ministru

Nelson José Hubner Moreira

yuixovâti Yukúna Uhá Koeti

Ronaldo Schuck

yuixovâti Yukúna Uhá Koeti

KOPÉNOTI TÊRENOE

Coordenação e Supervisão MME:

Maria Eustáquia da Silva

Coordenação Técnica Administrativo MME:

Carla Segui Scheer
Lucimar Oliveira de Castro

Comunicação Luz para Todos:

Lucia Mitico Seo
José Renato Esteves

Coordenação Pedagógica;

Vera Lúcia Ferreira Vargas

Xanéna koítuketi kopénoti Têrenoe

Célio da Silva Reginado
Dodô Lourenço reginaldo
Edemilson Alves Reginaldo
Ramildo Faustino
Rosy Pedro
Sérgio da Silva Reginaldo

Yuhópotike:

Ramildo Faustino
Rosy Pedro



Yukuna uhá'koêti:
Coordenação Regional:
Coordenação Estadual:

Huvo'oxoti

Ronaldo dos Santos Custódio
Jorge Luiz Santos da Silva
Celso Marlei dos Santos e equipe

Adão Mendes
Agnaldo Reginaldo Roberto
Cenivaldo da Silva Delfino
Cristiane Da Silva Vitorino
Cristiane Delfino Gabriel
Dayane Jorge Duarte
Ellen Alves
Estevão Reginaldo
Eugeselei Souza Reginaldo
Evangivaldo Jorge Duarte
Fabiana da Silva
Faustino Pereira Reginaldo Filho
Jonilson Francisco Delfino
Josué da Silva
Joselaine Vitorino França
Jussara Delfino Duarte
Junior Silva Duarte
Keila Jorge Morais
Leonardo Reginaldo
Liliane Pereira da Silva
Nemias Reginaldo Vitorino
Raquel da Silva
Silvério Vitorino

Uhá koêti ihíkaxovoti yoko ihí'kaxoti ukeâti
ihíkaxovokuti kopénoti Ndeti Reginaldo

NÃO DESTRUA
A NATUREZA
E DE LAQUE USAMOS
A ENERGIA

Caldo da sika Reginaldo



Sumário

Kouhápuikoati Itúkovoke râ'a	3
Yúha'ixakaka Uti	9
Koyúhoti kalihú koeti Têrenoe	11
Únati itúkovoke ne Yúku ya Ípuxovoku Têrenoe	15
Kixôvoku kalíhuxeovo yúku.....	20
Hunokóku emo'uti.....	36
Víkoro'ixovoqe.....	37
Referencia Bibliográfica	39

Celinda Silva
Reginaldo
Nitheliti

==
Quem colocou ESSA LAMPADA
AQUI NA minha frente...!!
Eu só uso a florescente



Yúha'ixakaka Uti

Enepora iháxoneti Yúku Ítuke Heú Koeti, ukeâti xoko Governo Federal, inúxotikone huvó'oxo heú koeti ovâti ovati ra ipuxovokou: purútuyehiko, kuteane híyeuke kopénutihiko ovâti yara poké'e kuahati Brasil.

Elóke vokóvo eposímo yúku yara vipuxovoku Hononó'evoti Une. Kaha'áinoviti vikó'itukexea ya nóko'eake uti yoko úhepeyea vóvea, kuteâti: ápeyea ihíkaxovokuti ya Ensino Médio ya yóti xoko ihíkaxovokuti koéhati Ndeti Reginaldo, kuteane ivávakeokono ne kátarakovoku ka'aríneti ya ákoyeane Jôpi kó'yeovoku ko'itúpedi íhae yúku yoko po'ínuhiko koekuti. Kuteanemaka huvó'oxoviti ákoyea kurí víxa ne kixoku vitúkeovo yoko motovâti yúhoikopea uti yoko yutóxoepa uti ra vemó'u.

Énomone ápeino ra koyuhópeti ya emóuke purútuye yonopoti ya vemó'uke Têrenoe. Ihíkaxoti kixokonoku ikó'itukexeokono ne yúku ya vípuvokuke, yutóxeovo ya uhápu'iyekuke, motovâti heu koeti viyénoxapa koane ákoti itukápa éxea konokea hókea ovâti ne yutoétike. Koane motovâti itúkeovo ra itukéti, huvó'oxomaka xapákuke ihíkaxovotihiko yoko kúxotihiko xâne apêtiko yara vípuxovoku. Aunati kixoaku uti vikó'itukexea ra yúku, kenóokoti káxe vihuynovatimo ákoyeamo hú ákoe uké'eyea. Yoko konokoati kóhí'enayeamaka uti nenonétihiko, tikótihiho vo'oku énomone úkea úhepeiyea vóvea yara mêum.

Konokoâti véxea kixoaku vikó'itukexea ne yúku motovâti ákoyea iko'itukehi vixa yoko kóhí'enayeovamaka uti, koánemaka xapákuke viyénoxapa.

Epora koyuhópeti íhikaxovimaka kixókonoku ákoyea axú'ina pôreupo uti ya kohê, enepomo vokohi'anovo kixoaku uti vikó'itukexea.



Celia da
Silva
Rosendo
Nihili.

IREI TRABALHAR
APROVEITAREI
ALVZ do
Sol

Ngeitukponatimo
mbunuvetaxoti
Kase.



Koyúhoti kalihú koeti koeku Têrenoe

Apé koene mêum... yanê'e kúveuke, apé koénehiko: xanéhiko, hó'openohiko yoko nonétihiko. Uhepé koye óveahiko, koane teyókoko akomaka tôpi iháyu'iu, koane akomaka tôpi kó'iyevoku ne xâne apêtiya. Énomone koéhikomaka ne kopénoti áko'oyea tôpihiko óvoku yara mêum, ákoyea kapáyasokeapa ne itúkeovo.

Ya xoénae 1947, enepone ihákaxovoti kixoku itúkeovo oti koéhati Herbert Baldus, yutóxo koane épemo'ikoa ya xoko pi'âti kopénotihiko Têrenoe koéhati Kalikéte yoko Hahá'oti, ovotihiko ya xoko koyónoti kopénoti Curt Nimuendaju, ovoti ya pitivóko koéhati São Paulo, hara koe emó'u:

Novoko ako xâne. Enepone koéhati Bem-te-vi vitúka ápene ínixononone xâne opeke poké'e. Hoénaxoane, Bem-te-vi ovoku ne Orekajuvakáihiko, pi'âti hóyeno veópotihiko xanéhiko ya uhoróke.

Enepone koéhati Orekajuvakái, nóvoka poyha homoêhou. Yanê'e imaykinovane êno vo'oku akó'oti akahá'a pihea ikéneke ya isáneke. Ve'o kixone xopílokoti hono'é kixoane. Enepone itátane ukeâti ya no'ékuke túku koeti tutíke itúkovone xâne, kuteanemaka ne poxô'o itátane.

Tumúneke veópeovohiko ne xanéhiko uhoróke, Orekajuvakái koxererekú kixoixovi, koé ne Têrenoe. Enepone koéhati kanôu sîmo xoko óvohexokuhiko Orekajuvakái, ho'úxonehiko énoti tikóti ina ihúxo. Yanê'e enepone Orekajuvakái, veópanehiko ne xanéhiko uhoróke. Enepone xanéhiko koéxepujuvakái, koanemaka ainovó koehiko mahupíketi, yaneko kásati. Ina iháxihikoahiko Orekajuvakái ne xanéhiko, motovâti onókeovo. Akomaka tôpi kó'iyevoku ne xanéhiko. Kamoâne Orekajuvakái yuhó'ixokoko ne nanéhiko ákoyea tôpi kó'iyevoku emó'uhiko. Yanê'e háxakexoanehiko. Enepone mêum óvokuhiko kalíhaxo. Orekajuvakái kapáya'ikoane, motovâti óvea heú koeti xanéhiko. Yane Orekajuvakái poréxoanehiko kalihú koeti áke pêxou,



sopôro yoko xúpu, koane íhíkaxeahiko kixoaku nó'iyea. Poréxoamaka áke nevoe, koane íhíkaxoamaka ixuxukea ho'êti. Íhíkaxoamaka itukea xúme, kali ovoku, kasása'ikea poké'e yoko nó'iyea. (BALDUS, 1950, p. 218-19)

Epora xêti, koyúhoti koeku kíkoku ápeyea kopénoti ákoyea tôpi kó'iyevokuhiko. Koane kixokonoku hoénaxeovo ne poké'exa ovokuhiko motovâti eópea ne mêum payá'iyea ya ákoyea ákutikoko kixoku itukeovo, kixoku kátarakopeovo yoko óvea. Kuteanemaka ákoyea ákutikoko ítea enepone nóko'ea kóiyea. Kuteâti koeku éxeokono ne Têrenoe ítúkeoko éxoti nó'íuea, ítúkoti isáne, íhíkaxea iyéno ukeátine kalihá'iko. Énomone oríxinoa êno ne Orekajuvakái vo'okuke akó'oti he'enká ítúkea isáne vo'oku mani ihuípinovoke. Énomonemaka kutí'inoke ne Orekajuvakái porexoâti há'inonéti yoko íhíkaxeamaka ne têrenoehiko, motovâti nó'iyea, kátarakopeova akahá'ine ne noné. Yoko éxea ixúxukea ho'êti ikó'itukeo yogo éxea ítúkea xúme, íhokope koane sá'ikovo anáne ya óvokuke. Énomone kixo ítukeovo ne kopénotihiko kasása'ikea ne poké'exa yoko nó'iyea motovâti katarakopeova.

Énomone kixo símea uti ya século XXI, ako tôpi vékoku uti xane'iyea pói'ayea ne mêum xaneâti vevokea ne poké'exa uti, itukoâti ipokeovo kixoku vitúkeovo, kuteâti koeku: uké'exeokono kuxoti vípuxovoku yoko ikéne isúkokoti vokopâ ne káxeonohiko ya xoénae 1864-1870. Kuteâtinemaka koeku ne Viyénoxapahiko huvo'óxohiko húndaruhiko kotíxoti hínokoku poké'exa uti Brasil. Koane ítúkohikomaka oxenéti, huvo'óxoti Cândido Mariano da Silva Rondon, yoko huvo'óxomakahiko ipíheovo ârame na yúku vekoku emo'úti. Yaneko vekokuhiko ákone tôpi kó'iyevoku ínikonehiko, kuteâti ya oyonókuti. Êno xâne ihúynovati neko ítukovokehiko ârame na yúku vekoku emo'úti, koane ya po'inuhiko itukéti ítukovokehiko.

Énomone ákoinoke omótova konokeovo ne koyuhópeti koyúhoti koeku viyénoxapa, motovâti puyákeova vokóvo yoko koyúhoyea uti xapákuke xe'éxaxapa uti. Kuteâti koeku yuhó'iune uti koyúhoti mahi kixoku ápeyea uti Terenoe, exókovea únako ne

véxetina. Koane enepo vêxoá yoko ítukovo uti koyúhopa. Énomone turíxinoa uti koyúhoyea ne nonéhiko úti. Kuteâti kixoâkuhiko neko kúxoti xanéhiko, konokoamaka véxea nôvope pohútihiko, kó'iyovoku ne nonéti:

Enepone Têrenoe yomótihiko ítúkea kali isáne, ako omotava vítukea hána'iti, itea vítukoa ako véxa'akapa ákoyea voko'ítuke. (...) ukeâti agosto yonoti ya novembro nôvope, sopôro, nakáku yoko xúpu, konókoti namúkopea inúxoti úko. Aneko énjone pí'âti nonéti, noyeovâti ya inámati kohê, nakáku yoko xupukóxe, epomo hákoti nóyeova ya inámati kohê, kopunóhitimo. (Leonardo Reginaldo)

Kuteâti koeku ra emo'u viyéno Leonardo Reginaldo, konokoâti kóhhienayeovo uti Têrenoe, ya kaxénake nôvope nonétihiko, motovâti ákoyea vévakapu. Ako omótova ákoyea úko, koane ótuko káxe, motovâti íhono pea ne ake nonéti. Enepone káxe aneko xunáko, konokoâti véxea kixoaku víhuynova.

Enepone kopénoti Têrenoe ako konokeovokuhiko ya pitivókoke, vo'oku ákoyea ahíkapu ípuxovoku. Koane apéápeyeaku ípuxovokuhiko ya xe'oyoko kukukeke pitivóko. Ya kixoku ítúkeovo ne poké'e ákoyea ahíka ou malíka pitivóko, ne ípuxovokuhiko Têrenoe. Ápemaka nóko'eahiko konokea píhohexea pitivókoke, motovâti kaváneyea ne íhae isáne. Huvo'óxoti ákoyemaka tôpi kó'iyevoku nikokónoti íhae kavâne Vanêti ya pitivóko. Koane íhikaxovohikomaka yoko ko'ítukehikomaka.

Enepora kixoku vítúkeovo uti Têrenoe kóyekune vopósikoponea kixoaku uti vítoponea ne nókone úti, motovâti uhepeyea kóyeku uti. Kuteanemaka ákoyea aúke'e ne kixoku vítúkeovo. Énomone kuteâti símeovi ne yúku ya vípuxovokuke. Koeku símeovi konokoaneoxo yúixeova uti yoko vivávakea véxea kixoaku vikó'itukexea yoko kóhhienayeovo uti.

ALUNO = Getúlio Ts.

Série = 6ª

Chuveiro

Não demore muito no banho, pois o


Chuveiro elétrico consome muita energia.

No verão, quando banhos muito quentes
são desnecessários e pouco saudáveis,

mantenha a chave seletora na
posição "médica" ou "verão".

Ahi'koupeti

Ako keokori yahi'kapu vo'oku koati
ikoituhe xoti yuku enepore ahi'koupeti
ehaé yuku. Xapa ko'tuti yahi'kapu,
axo'okohokod yuhoxeovo ne exdikoupe
ykotuxoupe ihe.





Únati Itúkovoqe ne Yúku ya Ipuxovoku Têrenoe

Motovâti koyúhoyea uti nokoné véxea vo'oku yara vípuxovoku, kaha'íne kixoa uti ihíkaxovotihiko ya koéhati ihíkaxovoku kopénoti Ndeti Reginaldo, vitukôa ra itukéti. Koane apéhiko yoko yuhó'ixoamaka uti ne xanéhiko ihaé vípuxovoku. Vusexoane ra itukéti, veopa nokó'ea koyúhoyea uti ne há'i ne vitúkovoqe. Énomone turíxinoa uti ya xoko yuhó viyéno Têrenoe koéhati Leonardo Reginaldo, ihoneâti ya'ie, vitúkovomaka Nâti yara vípuxovoku Hononó'evoti Une ya 45 koeti xoénae.

Inâ simo ra yúku iyúmbaxova ya ye'ngótixeake. Koekuti akoti kuxa ûti. Ìtea únati kixó'oviku. Êno huvó'óxeovi, une yoko yúku yâyeke, veópa unátiyea kixo'oviku.

Ya yóti uhapu'i, koe ne ovokúti. Simónemaka ne TV, ngomomamaka, íninja unátiyea índuko eyengou koeku poké'ixa uti. Koane motovamaka véxea koekutihiko apêti ya heú koeti mêum. Énomone oénaxeovo símeovi yúku, koane haina póhutine râ'a. (Leonardo Reginaldo)

Enepora yuhó kopénoti Leonardo Reginaldo, éxokoa únatiko ra yúku xapákuke Têrenoe, kuteâti koeku huvó'oxea hóyenohiko, senóhiko yoko kalivóhiko. Koane enepone Têrenoe hiko yonoamaka okóvo ya ihíkaxeovo. Énomone enepone yékoteno énekinoa ne ârunoe hiko yoko homoêhouhiko, konokea ihíkaxeovohiko, motovâti huvó'óxoepa iyénoxapa ya ípuxovoku. Kuteâti koeku yuhó kopénoti Têrenoe Estevão Reginaldo itúkovo ihíkaxoti ya ípuxovoku ya 40 koeti xoénae, koyuhoamaka kotíveti vekoku ya ípuxovoku ihíkaxovo. Koene enepone ihíkaxovotihiko ákonehiko kaítapanapu kotíveti áko'one, vo'oku koéxepukeovo ihíkaxovokuti koane ákone hé'onoke vo'óku; yúku; koane:

Inûxoti ihíkaxovokuti xoko kopénoti imókovokuti mekú, áko mekú yúku, áko maka nikâti, áko mekú ihíkaxovopeti, úha koeti meku yutaxópeti énomone kuâdru, ákoti po'ínu. kó'oyene ákone kaítapu kotíveti ne ihíkaxovoti. Kó'oyene kehâ épihi yúku

tutíkuke imékoku motovâti yíhoiki, épihea, mekúke ákomeku kuteâti, mikaxópeti, itukóvomeku. (Estevão Reginaldo)

Enepora Emó'uti kureíti aínovo yuhó híko ihíkaxovoti koyúhoti kixóvoku éxone kixó'ekone yúku:

Mekúke yâye xoko vípuxovoku áko mekú yúku, mikaxópeti vitúkoinovo kaú'hapuikope ûti. Oko'íkone vímohikopo yúponi koe víyuhikovo, ako mekú véxa kixovoku mêum poixo'óke.

Ko'oyene unátine vepúxovoku anêyene yúku, unáti vo'oku áko mekú yúku ehíkaxovokutike haháku koé novo itopó'kíxoinovo vûke.

Mbiú,mbiú koéneaxo voxéne vo'oku haháku koémeku ko'oyene aneyéne yukúna ûti. Ápene kipóhope ûti. Mekúke konokoti mekú píhea híko notovákake kipóheyea. (Liliane Pereira da Silva, 8ª série).

Yuhó senóhiko pihea notovákake kipóheyea, koé yûko Fabiana da Silva:

Konokéa píhea notovákake ne eno'ûti kipóheyea; koane ako malíka koane tiú'iti tokópo yomômo oxêneke, púnde tiú'iti koêku. Kó'eyene akone ákoeneye tiú'iko kuteâti mekúke. Eno unátino. Siméa yúka vépuxovokuke.

Kutêati ra emó'úti híko, motôva noíxea ûti hána'iti unátinoke yúka ípuxovokuke hononó'iti úne. Apémaka pô'i:

Unátinoke yúku vo'oku éno úkea yukuna katarákovokuti, ihíkaxovokutike koane xoko ovokúti. Inuxotike ako mekú yúku.

Vípuxovokuke kó'oyene simóne. Enepo ka'árinenovo xanehíko konókotinovo pírea petivókoke kó'oyene aneyene katarakóvokuti, aneyene úne yúku atukôa uhá

koeti. Mekúke tiú'itinovo, enepone xanehíko mikaxópeti etukéti ya ôliu, vêla itukovo mekú koati itoíti vípuxovokuke. Koati hánaiti konokeovo xoko vípuxovoku. (Raquel da Silva, 8ª série)

Yuhôti aukéke kuríkinovi kaná'uti konókeovo yúku híyeúke viyenóxapa, vo'oku huvo'óxo xanehíko, xoânepo yuhó viyeno kopénoti, véxoa ítukeovo koímaiti ne yúku, muhíkova kalîhuti yúku koimaiti koepekea xâne, kúteane porêxopea úti yúku, kúteâti kixovokú konokoa kohíyanayeovo.

Íke símine yúku kuvéuke vipúxovoku, hânaitineaxo. Vo'oku akó tôpi kixoaku viko'ítukexea, viko'ítukexo kuteâti ikasaxópeti, kohúpiokovopeti, oxopéti, TV, kipohôpeti. Ko'oyene noinjoa konókea vêxea viko'ítukexea motovâti akóyea auke'e. Ko'oyene aneye vipusókope nakáku, uho'ókopeti poínuhiko porexóvike yúku. (Damaris Reginaldo, 8ª série).

2/

toimpro & alvinda y soru



não mude o elo
do quente para
ou do frio par
quente, com ele
pode tomar ele
elétrico é perig

Ako ipexoa kai
nu kotuti, soioxi
Akoye koimaiti n
yuku.

2/



Pohútihiko noixéake ûti ne yúku:

- *Enepone yúku ápemaka koímaiti omînovike, kuteâtî oro'ókea, po'ínuhiko ákoti aunátî, eno konókino kohíyanayeovo ûti motovâti akoyea namúka úti yúku, konokoti akoyea vipíha yúku koxé1uke tikóti, vo'oku enepo kévo úko akoyea namúka úti yúku, po'ínuhiko kixovókuti: (Cenivaldo da Silva Delfino, 7ª série).*
- *Konoko akóyea namúka úti imapuíkotike yúku vo'oku koímaiti, Eno konókino kohíyanayeova ûti kalivôno koane akóyea kuríka úti imapu'íkoti yúku vóvokuke.*

Kixôvoku kalíhuxeovo yúku

Kixôvoku kalíhuxeovo yúku yokómoma kixôvoku kuteâti:

- konokoa ákoyea ihú vixa yúku héru koeti káxe;
- yukómomo TV, ítea hainati uhá koeti ôra;

Celso da Silva Rodrigues 3º Ano Ensino Médio


Imêko Jhu Akoye TV
ipeke ôvo imokókute.



ALUNO = Euonguoloto
DATA = 06-10-06
SERIE = 7^o

PASSE A ROUPA TODA DE UMA VEZ;
SEM SE DISTRAIR COM A TELEVISÃO,
ASSIM ESTAREMOS ECONOMIZANDO
ENERGIA

*Opoita ipitea inquitmaxe ne ipovoti;
AKO ikomo kempino TV motovati AKOYEA
Yupitopu ikotukexeevo ne yuku.*



VOLI DESLIGAR
O SON PARA QUE POSSA
ECONOMIZAR A ENERGIA.

Imbukoati ra huxoe
motovati akoyea
yupihapu ikoitukexea
yuku.



- *ako ihú kixeíxo oxópeti, héru koeti káxe;*
- *ako ihú kixeíxo a ne ingumâxopeti enepo áva itikinoke xêti.*

Vo'oku uhá koêti ra ittukôvoketi iko'ítukexo yúku enepo yokomôma kixónoku motovâtimo kalíhu ko'iyea pôkeupo ûti ésaíke yúku. (Faustino Pereira Reginaldo Filho, 7ª série).

Káxunakaikopo ûti véto'óhikea po'ínu híko viyéno.

NOME. GILSON DELFINO
SÉRIA . 8ª



Aluno: Danilo e Luati Reginado
Data: 6:

ENERGIA

SOLAR





Aluno: Jonilson Francisco Delfino Data 06/10/2006
no: 16
série: 5ª



Forlor não deixar o fogo de
passar. Rampa ligado na tomada,
pipirigosa pegan fogo nas roupas
Ato ihu kixeíxoá ne ingumâxopeti yúkaxa,
koimaiti namukea yúku ne ipovoti.

Ingumâxopeti:

- ihu kixeíxoá ne ingumâxopeti ipovótike xoko yúku, enepo akotike inguímaxa, koimaiti namukea yúku ipovotike. (Jonilson Francisco Delfino, 5ª série);
- uhá ixea inguímaxi ne ipovóti pó'huti pîho, ákotike yíxapu TV, motovâti kalíhu kéxi peréxopi yúku. (Evangivaldo Jorge Duarte, 7ª série).
- Inguímaxa ya káxe áko inguímaxo ya yóti. (Agnaldo Reginaldo Roberto, 8ª série).



MAquina de lonas



FABIANO

INDIO TEREINA



É melhor separar juntos bastante
roupas sujas e lavar de uma vez,
de acordo com a capacidade da
máquina, para as roupas ficarem
limpas

A capacidade total da
máquina e limpa o filtro
delas e não pode lavar as
mão molhadas na teneta.

Vnatine kuxea ũti xuínayea
kopitíketi ipovóti motovâti pòhaye
pêhe kipóheovo, motovâti
sasa'íyeya ne ipovóti.



Kipohôpeti ipovóti:

- Yusikóneye kixi xuínayea kopití'iti ipovóti motovâti pòhaye kipóheovo, exôa itóvokumo sasa'íyeya ipovóti; (Elen Alves, 5ª série);
- Áko omotova namukea ũti ne yúkaxexovope kipohôpeti laká'itike vó'u ũti motovâti akoyea namúka yúku; (Dayane Jorge Duarte, 5ª série).



imêko ihu akôye TV.
ípeke óvo imokókuti.


não dormir na
sala com a televisão
ligada.
Lugar de dormir
é na cama.




Nome: Nêia Duarte Vitorino. Série: 6^a

TV/ kamokénopeti oxokenati:

- Imêka ako ihu kixeíxo TV koane oxopêti, vo'oku yevókoti yuku yane'e; (Eugeseley Souza Reginaldo 6ª série).
- Yokómomo TV, ítea hainati uhá koeti ôra
- Ako ihu kixeíko oxópeti, héru koeti káxe; (Faustino Pereira Reginaldo Filho 7ª série).





Quando está calor
nos ligamos ventilador
Quando não está calor
nos desligamos o ventilador
Enepo Kótu Vihuxo Kohúpiokovopeti
Enepo Akô Kótu Kóti Kíxókóka úti ne
Kohúpiokovopeti.



Escola rdeli Peginarda Aluna cristiane da Silva ritorino
Série 3ª Proj. Viver





Kohúpiokovopeti:


- Enepo vovóhexo ihákaxovokutike ihu kóye kohúpiokovopeti; enepo vipuhíkopo kónokoa kótikopea ûti ne kohúpiokovopeti; (Jucelaine 3ª série).
- Enepo kóti víhuxoa ne kohúpiokovopeti, enepo ako'ó kótu ako okónokoa véhuxea ne kohúpiokovopeti. (Cristiane da Silva Vitorino, 3ª série).
- Enepone kohúpiokovopeti ihú koyê akotike kohupiokovâti evokóti yúku, ene konokino yuíxeova ûti, ipihihiki noe ihákaxovokuti, kética ne kohúpiokovopeti. (Misma Jorge da Silva, 5ª série).

o ventilador quando ele
está ligado sem ninguém
ele está gastando energia
por isso que não pode deixar
o ventilador ligado sem
ninguém

Enepo ihu koyê ne kohúpiokovopeti
Akotike kohúpiokovâti eháke yúku
Éno kónokino ákoxea ihu íkaxakana
ne kohúpiokovopeti ákotike
kohúpiokovâti.



NOMO MÍSMIA
série 5ª



Jonas da Silva

serie = 6^o

não podemos gastar energia
e água.

é importante tomar
banho, mas, é preciso
tomar cuidado para
não gastar água e
energia.

Kōnoko ākoyea ikoitukeli
īakana ne ūne yoko yūku
kāpā'utaxo kōnoka vāhikao
ileā kōnoko kōhiyanayeo,
motavāti ākoyea ikoitukeli
ākoe ūne yoko yūku.



Ahíkovopeti ítuke yúku:

- Kótutike kóti ixéixa ne ahíkovopeti ítuke yúku; (Jussara Delfino Duarte, 5ª série).
- Konokoa vihiíkeovo, epone ahíkovopeti omînovi kótuti ítuke kasáti híyeuke vipúxovoku, ítea konókoa hú'koiyea ûti motovâti akoyea vika'ítukexa yúku yoko úne. (Josué da Silva, 6ª série);
- Ako ípeko ne ahíkovopeti kótutike xoko kasáti ou kasáti kótutike ihú akoye ne ahíkovopeti motovâti ákoyea nemúka yúku. (Keila Jorge, 5ª série).

Não devemos deixar a geladeira aberta por muito tempo, quando formos guardar os nossos alimentos ou retirá-los da geladeira, devemos fazer isso rápido para economizar energia.

Não deixe a geladeira aberta.

Quando você for pegar,
Pega tudo de uma
Vez



Ako omōtova yupheovo miho kixoxea
iti ne ixasaxepeti, Enepo kaunakapa iti
ne mikokōnoti ou veyāpu, Konokoāti veyea
iti hu'xoti motovāti āveya yupihapu
ikōitukexeo yūku.

Cidão Mendes

Série = 6º

Ikasaxópeti:

- Enepone ikasaxópeti eno kaunákinovi kasáti úne, koane éno kaunákinovi kuteâti nikokónoti, ítea konokoa kohíyanayeovo kónokoa akóyea vípiha kotuti kúveuke ikasaxópeti vo'oku iko'ítukexo yúku. (Junior Silva Duarte, 7ª série).
- Konokoa akóyea yupíhapu mihôkea ûti ne ikasaxópeti; enepo kaunákapa ûti ou véya uti nikokónoti ikasaxopétike konokoa hú kíxea ûti motovâti akóyea vikaítukexa yúku. (Adão Mendes, 6ª série).
- Kixovoku iko'ítukexeovo ikasaxópeti, kixovóku komômoyeovo e'exexo ko'éyea, akóyea miheó akóye, vo'oku koimaíti kausáyuixea exexóvope páhapeteá. Koane iko'ítukexea yúku. (Neemias Reginaldo Vitorino, 6ª série).
- Ako okonóko ikapúikeovo kuvéuke ne ikasaxópeti vo'oku ako siká ihunôvóti ya koane iko'ítukexo yúku.

Hunokóku emo'uti

Noixoa ûti aukéke kuríkinovike yúku hanáiti xoko viyénoxapa kopénoti. Sikéavike, viko'ítukexea yúku katarakónvokutike, iko'ítukexea koyovi'ívití. Unatíneaxomaka xoko ihíxaxovokuti, kuteâti xoko kixovókuti porexóvike. Koane xoko ipusókopeti nakáku. Kutéane komómaiko ûti poixo'o ne yúku apêti vípuxovokuke: yúku koxéuke tikóti;koati koímaitiapé úko, vo'oku laraí ko'iyea ne tikóti koane ne yúku, koínaiti oro'okeovo yá.

Híngaikopo vika'ítukexa káxe porexôvike ítuko'oviti; koane vokomômaikopo yukúna ûti vesa'íka omotóva,vípiha kasáti yúku. Vipúkaikopo ne yúku akotíke vokonókoa îhu kixoíxea ûti.



Víkoro'ixovo

Víkoroixovo ya xoko hanaiti pahúkoti yara poké'exa ûti Brasil, Koéhati Luis Inácio Lula da Silva. Puyakóvovi okóvo ûti kopénoti Têrenoe yara itukéti íhaxone yúku Ítuke Héu koeti, kuteanemaka xapákuke heú koeti kopénotihiko. Yara víhuipinova yoko vikó'itukexea enepora yúku. Heú koene ko'óvokuti ápeyea yukúna koane anakonehiko ápeinoati, kuteati: TV, ikasáxopeti, ingumáxopeti, kipohêopeti ipovóti yoko po'ínuhiko, koêkuti éhae yúku. Énomone ya káxe enepone ihíkaxovotihiko motó'inoa píhea isáneke, yanê'e ya yóti íhikaxeovohiko. Kuteanemaka ya xoko óvoku kátarakovoku ka'aríneti ákonemaka tôpi kó'íyeovoku koitúkepeti apêti ya éhae yúku. Anekomaka makexópe ûti nakáku éhae yúku, huvo'óxiti nóko'eake seno kopénoti ya oyé'ekokuke. Kuteanemaka ápeyea, computâdo ya xoko ihíkaxovokuti Ndeti Reginaldo. Énomone kutí'inoke vikoró'ixovoti, ûti Têrenoe, koane híyeuke huvo'óxoati kuteâti koeku Ministério de Minas e Energia yoko Programa Luz para Todos.

Xoko. André Ramon Silva Martins koane aínapo yákoe, vo'oku yenékivi koane yéxokeavi kixóvoku vitúkeovo kopénoti.


Vípuxovoku Hononó'evoti Úne.



Caripú enano de la Granada
a la casa de la Granada
Nati ilikaxoti xano ipaxouku xanera
kaxaku iro iukera yoku

Referencia Bibliográfica:

BALDUS, Herbert. Lendas dos índios Terena. *Revista do Museu Paulista*, São Paulo, v. IV, p. 217-232.



Ministério de
Minas e Energia

